

新登縣志卷十

輿地篇九

風俗

古者問輶觀風俗軒所採足以見吏治之得失民氣之純漓
自社會日趨繁華奢侈之費日增生產之力不逮推遷之運
適以自窮新邑地處山僻風氣較遲樂業安居古風未替爰
錄舊紀補以新篇亦可以見時尙焉

民性鯁直而不阿習儉樸而不侈人知節義睢陽之遺烈猶存士
業詩書昭諫之芳徽不泯嘉靖 縣志
山居野處不競紛華女織男耕鮮耽逸樂或稍悍而負氣或過直

新登縣志 卷十 風俗

而失禮殆山之氣使然若夫禾黍盈疇桑麻被野無曠土無游民
亦東南自封之域也士夫冠服布素禮汰繁文出仕則廉謹自持
不苟徇祿利此又不囿於風氣者萬曆 縣志

新城爲縣僻處山間地瘠而產薄君子以儉小人以嗇萬曆 縣志
士君子敦禮讓誦法先王者不乏其人細民力穡務農外強半以

採樵爲生計萬曆 縣志

俗近還淳子弟循循儒雅崇樸素而去浮華遠詐僞而近禮義差

役樂於趨事士大夫崇尚名節婚嫁喪葬一從儉約乾隆 府志

男務耕稼女勤織紝月鄉里不相往來有司特停征訟乾隆 府志

嫠居有貞烈者多至饑死不再醮乾隆 府志

士 士人鄉居與細民同操作近來或知嚮學入中學大學者頗不乏人

農 力穡之餘不兼營他業嗜好尙少有古農家風焉

工 洪楊兵事後土著稀少匠作來自外邑雇工均係客民

商 市廛店夥皆係外縣人各鄉土貨土人有自行購買出外營商者

衣 韋布而少華服婦女衣飾不爲滬杭奇異所移天足之風日見通行

食 豆米爲常食品鷄豚蔬菜土人每多自備自晨至晚粥飯四餐婚喪嫁娶不過每食四簋奢侈之品殊不多見

新登縣志

卷十

風俗

二

住 建築材料無須外購宏敞者少湫隘居多無業客民以草舍爲住所

冠 冠禮男子年十六筮吉日選賓僕告諸家廟三加訓誡雍正省志

今久不行是禮

昏 名家鉅族祇擇門戶相當論財則共鄙之富貴妝資從厚貧

則竹筥練裳不嫌寒素參嘉靖縣志 萬曆縣志士大夫以門第相尙迎親用

綵轎華燈鼓吹前導迎至中堂壻婦行交拜禮合卺後盛服出拜

翁姑次及尊長閭閻細民概從簡約乾隆府志近時締烟禮節納采則

用定蠲茶點諸物女家報以冠帶鞋襪之類納幣間有以銀圓爲

聘金者然仍須致衣飾及餠餅豚肉等物諏吉迎娶先一月須送

麻糍於女家以上各節隨其家之豐嗇娶後尙沿鬧房舊俗

喪 雖循家禮亦作佛事逢七祭奠謂之做七歷四十九日而畢

葬而題主必擇齒德俱尊者參嘉靖縣志 葬時靈輻前導以鼓吹

仙梵親友執紼畢集墓所合窆始歸三日後展祭新任謂之覆墓

乾隆府志 近時尚多擇地選日但自大殮後即預備葬事亦無久停柩

於室者

祭 各族皆有宗祠四仲奉祀祖父生辰忌日則祭於寢謂之做

羹飯雖貧乏不廢參嘉靖縣志

元旦 正月朔為椒柏酒以待親戚鄰里以春餅為上供乾隆府志 鷄

鳴而起設香案禮神拜祖長幼以次稱壽遲明出賀親鄰往來答

新登縣志 卷十 風俗

拜參嘉靖縣志 元旦後數日土人以茶點餽送親友此來彼往無

徒手登門者俗謂之拜年

元宵 前後五夜張燈鄉村婦女於十五夜召紫姑神卜一歲吉

凶田蠶豐歉康熙府志 前數日各鄉以龍燈竹馬互相慶賀并至城中

邑廟敬神

清明 土人以夾麥青搗汁和粉為果餌食之四民月令 前十日起具

牲醴掃墓歸則班坐家廟飲福給胙雖疏族不異親房節日家祭

畢後一二日乃為義祭參嘉靖縣志 清明掃墓土人剪五色紙作

長錢挂於墓上

穀雨 早蠶頭眠遲亦盡出諺所謂穀雨不藏蟲也自此二眠三

眠大眠至登箔謂之上山一月間嚴閉門戶鄰里水火不相借嘉參

靖壽志萬曆縣志近則禁忌稍寬

立夏 蠶大眠桑葉先期議價謂之定葉後即貴賤相懸莫敢違

約諺所謂桑樹底下莫點頭也參嘉靖壽志萬曆縣志貧民種桑者未葉先

賣謂之拿青葉錢節日市莧菜櫻桃等以嘗新亦有以秤權人輕

重者

端午 人家買桃柳葵榴蒲艾并市糴時果佩赤靈符采百草製

藥以辟邪夢梁錄是日飲雄黃酒散石灰於壁角亦有挂鍾馗像於

堂中者

六月六日 為天貺日人家曝書籍晒衣服謂可以免蟲害

新登縣志 卷十 風俗

七夕 女郎望月瞻斗列拜次乞巧於牛女或取小蜘蛛以盒貯

之次早觀網絲圓正名曰得巧夢梁錄

中元 俗稱鬼節設素食以薦先越日延僧道作法事祀鄉里之

無後者參嘉靖壽志萬曆縣志即七月十五日凡前作醮事者謂之判斛祀

祖先也後則孟蘭盆會祀孤魂也

七月三十日 俗謂地藏王生日家家插香燭於地

中秋 以月餅瓜果相餽遺夕設筵宴賞月參嘉靖壽志萬曆縣志

重九 家設酒筵為宴會登高玩菊以應節序參嘉靖壽志萬曆縣志近則

多數裹糯米為粽子(古稱角黍)或送人或自食以示同慶重陽

令節之意焉

十月朔日

家各祀祖出郊掃墓剪紙衣焚之謂之送寒衣

參嘉靖縣志

志萬曆縣志

冬至

以寒煖占來歲豐歉凡養蠶之家以呼鼠為諱

參嘉靖縣志萬曆縣志

志

臘月十二日

夜以果餌祀竈有蠶者或肖繭絲之形

參嘉靖縣志萬曆縣志

志

臘月二十四日

用花餚米餌祀竈謂之送竈前後數日間淨掃

屋壁

參嘉靖縣志萬曆縣志

除夕

懸祖先像隣里吉服登門相揖謂之辭年祀竈謂之接竈

家人團坐達旦謂之守歲

參嘉靖縣志萬曆縣志

家長給錢於家屬大小謂

新登縣志

卷十

風俗

五

之壓歲錢

物產

舊志所載新邑明代尙有工貢革於何時莫得而稽惟物土之宜既爲民生食飲所關而理化之學日益發明尤足供世界文明之用博采而多識其名且以俟動植物學之研究焉

穀之屬

稻 稻之名色甚衆大抵不出秔糯二種但早晚不同萬曆府志早稻

即占城稻宋大中祥符五年遣使福建取占城禾分給江淮兩浙

并出種法擇民田之高者種之晚稻曰旱稻曰赤稻乾隆府志現行秈

米名目繁多又不外團尖二種團者粒粗尖者粒細而性軟尖美

於團皆宜於水田又晚稻可做年糕糯稻用以釀酒糯稻花陰乾

新登縣志

卷十

物產

六

爲末擦牙固齒

黍 黍有黃白二種山縣多種之種黑黍者少萬曆府志

麥 麥有大小二種大麥有二曰櫛曰粦又一種曰蕎麥治爲麪

土人忌於柏樹板上切食萬曆府志

菽 即豆也種類甚多有黃豆有青豆老則炒食嫩者爲烘豆乾隆

府志有綠豆杭人製爲粉最滑膩水浸出芽可爲菜萬曆府志有香珠豆

緇色而香大者名僧衣豆有黑豆俗名馬料豆同何首烏煮食能

澤鬚髮雍正省志有赤豆杭人風俗臘月以赤小豆煮粥四民月令有刀豆

以形名醬中有髮入之則化水有豇豆即裙帶豆俗名骨豆有蠶

豆田地蔬圃皆種之亦可作醬蠶時熟故名萬曆府志有豌豆俗名寒

豆九月種三月熟有羊眼豆一名沿籬豆又名蛾眉豆參舊志

稷 俗名穠稌或稱蘆粟山縣種之雍正省志粒宜燒酒梢可作帚莖

可編籬或供爨

玉蜀黍 俗呼六穀穗如秕麥狀苗心別出一苞攢簇結實故又

名苞六草本

粟 梁之小者為粟北方人呼為小米

脂麻 胡麻即脂麻俗作芝麻有黑白二種各縣志分為二非是

乾隆府志

蔬之屬

白菜 杭人呼為長梗白冬月之菜惟此宜久藏萬曆府志又一種名

新登縣志 卷十 物產

矮黃菜即黃芽菜杭人呼為花交菜成菴漫錄

芥菜 紫而辣者難得搗其子和醋拌粉食為芥辣乾隆府志又有春

不老葉大而色深綠春殘又盛故名

油菜 即芸薹菜采其心為齏乾隆府志餘心發花結子多為油舊志

莧菜 有赤白紫三種又有野灰二種灰之有紅心者不可食草本

順治辛卯李漁寓賢明山僧舍食之而甘作莧羹賦乾隆府志紅色者

謂紅人莧學齋佔畢俗忌與鼈同食舊志

葵 葵為五菜之主今人食之者少東坡新城道中詩煮葵燒荀

餉春耕康熙志蔬植三百六十葵為之長說原小者名鳴脚葵格物論

蘿蔔 即蘆菔一名萊菔又名來菔言來斡之所服也埤雅有紅白

二種子可入藥葉可充菜

菠菜 唐太宗時尼波羅國獻菠稜菜唐會要

萵苣 一名千金菜高國使者來隋人求得其種酬之甚厚故名

清異錄其根名萵筍咸淳臨安志

筍 春筍一名圓筍茅筍茅竹所生一名貓筍邊筍夏月從土中

掘得之冬筍俗名潭筍味特甲於諸蔬又一種苦筍杭人重之呼

為嚇飯虎雍正省志又小筍尚可適口又有石筍味不甚美

蔥 一種夏間莖端生數芽者名五爪蔥萬曆府志一名菜伯本草一名

和事草清異錄

薑 說文薑禦濕菜也酣糟紫薑之芽洪舜俞老圃賦近城者佳舊志

新登縣志 卷十 物產

韭 杭人最貴之其初出時數十莖易以十餘錢不吝萬曆府志杜頤

稱韭曰一束金清異錄

蒜 說文蒜葷菜也五代宮中呼蒜為麝香草清異錄多食耗神損

目動火生痰草本

茄 隋煬帝改名茄子為崑崙紫瓜芝田錄錢武肅時諱茄子為落

蘇西湖游覽志餘白者名渤海茄蔬譜土人於花時採葉布路間令人踐之

則子更繁謂之嫁茄草木子

茭白 茭也子即菰米管子謂之雁膳升庵外集

芋 大者謂之芋頭旁生小者謂之芋嫻蔬譜有紅梗白梗黃沙諸

名

菜瓜 供菜者為菜瓜胡瓜越瓜皆是農書瓜之不堪生噉而堪醬食者曰菜瓜以甜醬漬之為蔬中佳味學圃雜疏

黃瓜 土名胡瓜

絲瓜 一名布瓜以細長而嫩者為美學圃雜疏又名天羅絮草木記老

而大者其絡可入藥

南瓜 浙東一種陰瓜秋熟色黃如金疑即南瓜也雍正省志其子上

四鄉人呼為香瓜子可炒食參舊志

木瓜 釀酒最佳

冬瓜 一名白瓜市食有冬瓜鮓武林舊事

蒲蘆 形似絲瓜為初夏蔬品

新登縣志 卷十 物產 九

馬蘭頭 葉小略似車前性涼味美

苦菜 生山田及澤中得霜甜脆而美所謂堇茶如飴是也陸機草木

疏即苦蕒又一種水苦蕒名謝菠菜圖經

苦益 富陽臨安昌化食之最多康熙府志按曲洧舊聞苦益菜莖葉

柔弱葉類甘菊俗呼為蔗又誤為遮味苦而有餘甘又演繁露云

說文薇似藿藿豆也葉圓而尖皮微皺味澀苦俗謂苦蔗據此二

說苦益當即薇也舊志

蕨 其根即黑狗脊曲洧舊聞土人掘根漉粉雍正省志

薺 師曠所謂甘草先生即此上巳日杭士女皆戴薺花乾隆府志

葦 多生山谷松竹間大而浮白者名玉葦最貴咸淳臨安志寒露葦

味亦佳生濕土朽木者有毒

蒿 菜則茼蒿茵陳七述土人呼為菊花菜

芹 生高田今本地以溪澗中生者為良

貨之屬

茶 各山皆產東坡詩細雨足時茶戶喜是也產仙坑山者味特

美嘉靖又黃茶茶之晚採者所行絕遠瀋陽遼東等處歲必買遷

酒康熙今產月和山者為最佳

酒 有秋露白武林春分酒春分日造味極甜陳者佳秋分酒秋

分日造其色綠又名竹葉清康熙現行黃酒燒酒均自釀味不下

紹產

新登縣志 卷十 物產

油 有柏油菜油麻油又茶油桐油近始有之舊志

醋 一名苦酒魏劉放

漆 浙中一種漆樹似榎而大漆物黃如金即唐書所謂漆黃也

紙乾隆今出南新南安兩鄉又有一種油柿浸得油名柿漆用以油

紙可隔水杭人用以漆扇名蜀府扇近又以柿漆漆紗頗宜暑服

雍正省志

紙 有綿白紙竹帖紙方高紙元書紙蠶生紙桑皮紙銀皮紙油

紙毛紙黃燒紙又有名八百張者參舊京邊紙近出昌西鄉

墨 新登縣南潘山有置窰造墨咸淳今已無考舊志

席 城郭各鄉皆業此舊志今不多見

扇 東洲鄉民業此者多舊志惜貨未佳

傘 新城雨傘著名舊志現有習藝所畢業者亦自造出售

苧麻 一科數十莖宿根在土中至春自生不須栽種剝其皮煮

之用緝布陸機草木疏今上四鄉有麻布

絲 有肥光肥扣春綢經等名其粗者為顏色線康熙志現在報捐

有運絲經絲用絲之別又鮮繭為新邑出產大宗

綿 有黃白二種白而細密者為佳舊志

棉布 土布也各鄉皆種木棉用以織布舊志

綿綢 新邑綿綢及絹皆有之士人織以自給而不能及於他方

舊志

新登縣志 卷十 物產

織絮 以舊綿絮紡線為之出新登鄉隴塢舊志

燭 專用柏油燒造紅白二色皆有之舊志

柴 有松柴雜柴莊柴塘柴毛柴等名轉輸他處參舊志

炭 有青炭白炭烏炭栗炭之別西北二鄉出產較多

石灰 凡近山產石處皆燒造萬曆府志桃源山民以灰石為業東安餘嘯

今太平祥禽昌西七賢新登昌東各鄉均有出產

鐵鍋 七賢鄉有爐廠舊志

磁器 出昌定鄉桐坑即名桐坑碗舊志近今祥禽鄉之雙廟亦業

此

木之屬

桑 浙西植桑取其枝葉植之謂之嫁桑種樹書三月三日有雨則

桑葉貴四日有雨尤貴農圃六書又有烏桑即野桑也不葉先甚不宜

蠶而宜鳥故名

柘 柘葉飼蠶其絲作琴瑟絃清響勝凡絲蠶書

松 新邑南安鄉仙人石上有萬年松其狀如柏乾隆府志文廟名宦

祠有古松一株三溪誦芬齋前有羅漢松今均無迹

柏 塔山許公祠有方司空手植柏四株舊志現存其一

楓 太平鄉孫尚書墓有雙楓合抱嘉靖袁志今無考

杉 一名黏似松葉閩邑中深山多有之可以為船作桶板甚耐

水舊志

新登縣志 卷十 物產

桐 一種油桐名膏桐實可榨油桐譜

桂 興善寺碧玉軒古桂圓整可愛萬曆府志淨嚴院有古桂兩株舊志

學山有古桂二枝相傳係羅昭諫手植

樟 其木理文章故謂之樟本草釋名近人有取其材以熬煮樟腦者

椿 葉初生時以鹽水煮之甚香可食俗稱香椿木可作舟楫文

玩等器若擦漆之絕類花梨木萬曆府志

楊柳 爾雅楊蒲柳旄澤柳檉河柳觀此則楊可稱柳柳亦可稱

楊故今南人猶併稱楊柳草本東坡南新道中詩溪柳自搖沙水清

舊志

白楊 性勁直堪為屋材雖朽折終不撓曲齊民要術

冬青 江東人呼爲凍青山中時有之葉圓而子赤者爲凍青葉長而子黑者爲女貞草木

櫟 性極堅緻可爲屋材志舊

棟 其材輕且堅可爲犁管子土人用爲水車板子名金鈴子爾雅

櫻欄 一名栴欄皮可爲索格物總論土人爲衣禦雨爲薦名櫻薦志舊

檀 有黃白二種志舊

櫛 俗名苦櫛凌冬不凋其實如珠可食雍正志土人每作苦櫛腐

志舊

柏 葉可染阜子可取蠟核可榨油萬曆府志浙人田畔必種烏柏歲

收柏子便可完糧樹大者可收子二三石羣芳譜

新登縣志 卷十 物產

麻栗 小者可爲薪大者作屋料

梓 花葉飼猪幹質可爲建築材料

栗 土人以其材爲門

金枸樹 鋸作轎槓最良

沙樸樹 即構樹一種樹皮有點斑葉可擦治錫器

牛筋樹 木理微黃性堅潤作器俱良

草之屬

藍 藍有三種蓼藍染線大藍染碧槐藍染青三藍皆可爲澱雍正

省志俗稱靛青種自乾隆三十年後志舊今上四鄉雖有出產爲數甚

尠

蓬青 葉可食清明節搗汁和粉爲果餌祀先一名夾麥青雍正省志

土人取之曝乾紫爲把燒之甚香用以驅蚊

烟草 一名淡巴菰又名金絲熏來自呂宋始種於閩中之石馬

今土人亦種之舊志

莎草 爾雅臺夫須疏莎草也可爲蓑衣匹夫之所須也根名香

附可入藥參舊志

虎耳草 葉如荷錢面青背紅莖赤開小花淡紅色生陰濕處俗

名金絲荷葉草羣芳譜

席草 以龍鬚爲上近產亦罕莞草蒲草皆可爲席舊志

吉祥草 叢生不拘土石皆可插種花開則家有喜慶事人多喜

新登縣志 卷十 物產

植之羣芳譜

石菖蒲 出山澗中葉細色綠土人採之蓄盆中供玩品

萬年青 有金邊銀邊之目金邊者尤佳植之盆中足供清玩結

子甚紅可入藥

香草 香草名目甚多此別有一種土人採於清明前裹以紙藏

身邊候乾置衣篋中其衣經旬猶香今多產南新南安兩鄉

竹之屬

孝順竹 出新城昌化康熙府志一名慈竹

鳳尾竹 葉細三分草本

貓竹 一作茅竹又作毛竹幹大而厚異於衆竹人取以爲舟羣芳

譜 又名貓頭竹其根類貓頭亦名潭竹緝珠物 又有廣竹早竹水竹
土人皆資以作器具兼為造紙料

紫竹 杭州紫竹宜為簫管雍正省志

斑竹 節間多墨斑土人取作簾椅等用乾隆府志

苦竹 心實性堅又名雪竹折桂鄉苦竹源以此得名舊志

淡竹 即甘竹似篁而茂南人入藥燒瀝惟用淡竹一品草本

箭竹 節間三尺堅勁可為矢竹譜其葉可作粽箬用舊志

木竹 其中堅但通小脈若通草之中也作杖可愛竹譜

金竹 一名對青竹又名對金竹竹黃而溝清浙中多有之呼為

黃金間碧玉趙晉養痾漫筆

新登縣志 卷十 物產

箬草 似竹而弱故又名箬四時常青男取作笠女以襯鞵及裹

茶鹽包米粽草本

觀音竹 一名壽星竹長盈尺為供玩之佳品

羅漢竹 其節交錯邑西青牛嶺多產此土人取為扇柄

花之屬

牡丹 唐時杭州無此種長慶中開元寺僧惠澄自都下分得一

本謂之洛花至宋漸繁冷齋夜話

梅 邑中所種皆單葉若千葉而種於盆盎者多來自杭城昌定

鄉有梅灣前邑令張瓚改五馬菴為梅菴

蠟梅 花如撚蠟故名俗以開於臘月名蠟梅者非是以檀心磬

口為佳樹皮浸水磨墨有光參舊志

桃 桃有數種以碧桃為勝康熙九年二月縣署旌蓮亭前忽發

一萼鬚瓣皆以十計越旬不謝康熙志

海棠 錢塘縣署羅昭諫手植一本王元之有詩舊志

秋海棠 一名八月春性好陰多於牆根植之羣芳譜

薔薇 園圃用以編籬花時燦如錦屏有寶象月季等名咸淳臨安志

蜀葵 葑戎葵今蜀葵也花色各異爾雅郭註俗名一丈紅羣芳譜

紫薇 一名百日紅有紅紫白三種以紫者為正羣芳譜

酴醾 有黃白二種白而心紫者尤香咸淳臨安志

罌粟 一名米囊一名禦米草木麗春一名虞美人即罌粟之別種

新登縣志 卷十 物產

也花史

玉簪 一名白萼亦名白鶴葉大如掌七月開花如白玉搔頭羣芳譜

譜

玫瑰 亦名徘徊花貴家以花片製餅餌饋送夢梁錄 一名離娘草

農圃書 又呼為刺客西溪叢話

粉團 開花五瓣花簇一大朵故謂之繡毬花有紅白二種舊志

瑞香 一名睡香色如丁香宋時始著舊志

百結 其皮堅韌可作銀皮紙今南安鄉有業此者舊志

金錢 一名毘尸沙梁武帝時始入中土西陽雜俎 一名夜落金錢羣芳譜

譜 羅昭諫有詩舊志

山茶 杭州土貢山茶色品頗盛有一本十色者錄夢梁

木槿 月令木槿榮是也花如葵朝開暮落一名舜蓋瞬之義取

諸此雅埤

荷 蓮種最多惟錦邊蓮獨奇開時千葉每瓣微紅一線康熙八

年縣署池內有之名其亭曰旌蓮志康熙

雞冠 宋時汴中呼為洗手花中元節前兒童唱賣以供祖先今

杭俗沿之楓窗小牘

鳳仙 一名金鳳花宋光宗時宮中呼為好女兒花史花

菊 南宋臨安菊品最多聚成花塔至今尚沿其習譜菊

杜鵑 一名紅躑躅俗名映山紅近多千葉者譜羣芳士人以花焙

新登縣志 卷十 物產

為末飼蠶之初生者志舊

山礬 三月著花細小而繁香馥甚遠俗名七里香遵生八箋

蘭 新城惟黑山之蘭臘月即開花武林梵志

蕙 黃山谷以一莖一花者為蘭一莖數花者為蕙俗謂之九節

蘭羣芳譜

木芙蓉 一名拒霜於近水處栽插尤茂故又名木蓮格物叢話

指甲花 生杭諸山中花甚小蜜色而香用山土植盆中可供清

玩草花譜

護 護忘也一名忘憂草一作蕙又作萱有紅黃二種留青日札

紅蓼 俗呼水紅亦作水蓼叢生溪畔莖葉可作酒蘖志舊

蔘葵 爾雅終葵繁露承露也花黃紫色注郭蔘葵椎也其葉如之

故名子可作粉草本新邑名夜夜紅舊志

雁來紅 莖葉穗子並與雞冠同其葉九月鮮紅吳人呼為老少

年草本

水仙 一莖開花數朵大如簪頭又有野水仙色紅七月間開遍

山谷

十姊妹 一蓓十花故名

蝴蝶 花如蝶狀色黃上有赤色細點闊葉秋分時種

合歡 一名夜合其葉至夜而合五月開花

牽牛 七月開花色藍日出即萎子可入藥

新登縣志 卷十 物產

芭蕉 苞中積水如蜜名甘露侵晨取食甚香止渴延齡

果之屬

桃 五月熟者為早桃十月熟者為寒桃又有白桃油桃毛桃扁

桃萬曆府志南安鄉方坑產者味特美土人呼為方坑桃

李 有青綃紫粉鵝黃數種萬曆府志

梅 有青梅黃梅夢梁錄

杏 似梅較大其核匾小仁可入藥

石榴 來自安石國故名杭人呼為金櫻避錢武肅諱也天中記

楊梅 土產不甚大其味帶酸舊志

枇杷 枇杷秋萌冬花春實夏熟備四時之氣果譜一名盧橘葉名

無憂扇棠苑

西瓜 一名鎮心瓜後塘畷產者佳有紅白黃三種參舊志

菱 初生嫩者為沙角硬者為餛飩咸淳臨安志菱老則殼黑謂之烏

菱草本又四角三角為菱兩角為菱通謂之水栗武林記

林檎 一名來禽又名文林果洽聞記俗名花紅北人呼為頻婆果

參舊志

櫻桃 一名含桃其顆大者如彈丸小者如珠璣南人謂小者為

櫻珠埤雅

葶薺 一名地栗葶薺不見前記當即爾雅所謂鳧茈後漢劉元

傳掘鳧茈而食是也乾隆府志今土產甚尠舊志

新登縣志 卷十 物產 十九

落花生 俗名長生果炒食味香可口舊志

棗 土產青棗不甚大舊志

栗 太平鄉栗隴以栗得名今多產寧善南新等鄉參舊志

柿 有方項綠心牛爛火珠數種多可食生柿苦澁以石灰水浸

數日即熟而甘參舊志

銀杏 一名鴨脚俗名白果材極細可用不花而實杭屬皆產乾隆

府志新邑多而佳土人往往販售他方參舊志

榧 山縣多產以火煨食甚香乾隆府志今出上四鄉舊志

葡萄 出大宛漢張騫使西域始得其種以歸釀以為酒可解渴

胡桃 出自羌胡漢張騫使西域還始得種植之秦中後漸生東

土更名核桃今南新鄉東園村有此種

藕 其孔必雙故謂之藕

梨 性冷利多食損人謂之快果杭俗釀酒趁梨花開時熟因號

梨花春今各鄉皆產

甘蔗 一名甘藷促節多汁其甜如蜜

橙 新霜始摘待賓客可解宿酒

香櫞 一名枸櫞柑橘之屬置衣笥中經旬猶香今各鄉皆產

番藟 有紅白二種紅者味美白次之今高阜之地不宜水稻多

種之

山查 一名棠毬子有紅黃二種可入藥

新登縣志

卷十

物產

二十一

藥之屬

菖蒲 一寸九節久服延年為仙家上藥本經首列之圖出城郭

鄉者良舊志

半夏 月令五月半夏生得一陰之氣而生有交通上下陰陽之

妙不獨治痰利氣也唐本草新城所產著名方家謂之新半夏出城

郭三里內者尤良舊志

按萬曆府志貝母產新城應是半夏之誤

桔梗 清肺氣利咽喉其色白故為肺部引經與甘草同為舟楫

之劑元素出城郭後塘畷舊志

牛蒡子 一名大力子亦名鼠黏子明目祛風本草出城郭鄉舊志

天葵子 天葵兔葵也凡丹石之類得此而後能神鄭樵通志子下諸

石五淋唐本草

木瓜爾雅治濕痺脾氣霍亂轉筋別錄出折桂鄉舊志

辛夷 一名木筆白者名玉蘭本經利九竅通鼻塞生鬚髮去寸白

蟲別錄

梔子 治五內邪氣胃中虛熱即西域之薝蔔花也一名越桃七

稜至九稜者佳出昌定鄉舊志

紫蘇 蘇從酥舒暢也蘇性行氣和血故謂之蘇曰紫蘇者以別

白蘇也蘇乃荏類而味更辛如桂故爾雅謂之桂荏本草綱目蘇子下

氣除痰別錄出祥禽五里橋舊志

新登縣志 卷十 物產

金銀花 一名忍冬藤久服輕身延年煮汁釀酒治一切腫毒丹溪

心法出廣陵鄉舊志

蒲公英 即黃花地丁治婦人乳癰結核丁腫丹溪心法

南沙參 與人參元參丹參苦參為五參形雖不類治療則同故

皆名參沙參出沙地今在處有之肺熱者以此代參出南安鄉舊志

茯苓 史記作伏靈俗作苓者傳寫之訛有赤白二種抱根者名

茯苓本草茯苓生大松之根近有擇其小者以大松根披破而納其

中緊束之使脂液滲入於內然後擇地之沃者坎而瘞之三年乃

取則成大苓矣癸辛雜志

何首烏 一名夜交藤久服延年生子兼消癰腫能化血中之風

有赤白二種忌鐵草本

玉竹 一名萎蕤性平味甘虛勞用以代參大有殊功不止治風

濕去風熱也李時珍發明

瓜蒌 一作括蒌根名天花粉治胸痺肺燥降火滌痰乳癰發背

根宜虛熱人本草綱目

前胡 根似柴胡皮黑肉白而有香氣者為真去痰下氣明目祛

風別錄出南新東墅塢者尤良舊志

烏藥 氣味辛溫上通脾肺下達腎經疏胸腹邪逆之氣一切病

之屬氣者皆可治本草綱目根如蓮珠出南新者尤良舊志

桑白皮 去肺中水氣吐血熱渴水腫腹滿利水道去寸白蟲縫

新登縣志 卷十 物產

金瘡根出土者殺人別錄海寧新城昌化產萬曆府志出南新鄉舊志

雞距子 即枳椇子曲禮婦人之贄棋棗脯修是也解酒毒功同

蜂蜜故又名木蜜草本

槐花 根葉子皆入藥花治大腸下血如神外臺秘要

馬勃 生園中久腐處紫色虛軟彈之粉出傳諸瘡良清肺散風

熱解咽喉腫痛聖惠芳

馬兜鈴 清肺熱根名土青木香去濕熱元素

百部 一名野天門冬其根千百連屬故名殺蟲潤肺寒嗽者宜

之草本

白朮 即爾雅之楊枹今生杭越舒宣等州除濕延氣和中補陽

本草綱目出南新南安廣陵寧善等鄉舊志

黃精 仙經所貴久服延年鈎吻相似誤服殺人圖經白朮黃精於

潛上藥新城諸山與天目氣脈相通間亦產者舊志

芍藥 其品三十餘種單葉者入藥白者和陰赤者行血本草

威靈仙 威言其性猛也靈仙言其功神也通十二經脈治風要

藥本草

仙遺糧 即土茯苓食之當穀不饑今人以治濕毒瘡陳藏器本草

蒼耳子 即詩之卷耳也一名棗耳久服去風熱本草

車前子 即詩之芣苢也直曰車前瞿曰芣苢韓詩外傳治難產本草

桑母草 爾雅萑菴注今菴蔚也又名益母宜於婦人及明目本草

新登縣志 卷十 物產

二十三

南天星 即虎掌也古方多用虎掌不言南天星蓋唐人中風痰

瘡方中用之圖經

地骨皮 即枸杞之根去骨蒸消渴治在表無定之風邪傳尸有

汗之骨蒸舊志

刺猬 古作彙俗作蝟蝟皮治胃逆開胃氣其字從胃治五痔陰

蝕五色血痢本草

穿山甲 鱧鯉即穿山甲也深山大谷中皆有之燒灰傳惡瘡又

治山嵐瘴癘舊志

黃蠟 蜜脾也主治下痢膿血補中續絕荒歲食蠟度饑同大棗

嚼則易爛別錄

蛇蛻 一名龍子衣俗呼爲蛇殼治小兒二十種驚癇蛇着不淨

卽脫大飽亦脫治婦人吹奶小兒喉痺洗諸惡蟲傷志舊

蟬蛻 治小兒驚癇婦人生子不下燒灰治久痢別錄除目昏痘疹

出不快志舊

龍骨 出南新雙坑塢

羽之屬

雞 村鄉蓄者甚多各種皆有惟白色絲毛烏骨者最良志舊

鴨 浙江火焙鴨卵出雛留青日札新城所產甚妙多來自他邑志舊

鶩 杭人嗜鵝仇池筆記婚家育之以代奠雁之用今新邑此禮從簡

志參舊

新登縣志 卷十 物產

雉 雉與鷄鶩皆有山雞之稱杭地不產鷄鶩萬曆府志言諸山

中山雞甚多當即雉也乾隆府志

鵲 俗言見鵲上梁必貴珍珠船鵲巢低主水高主旱農家雜占

鷹 鷹巢一名敢鷹呼敢子者鷹雛也西陽雜俎

鷓 種類頗繁小而多羣腹下白者名鷓鳥小背而白長而反哺

者名慈鳥一種大喙白頸而不能反哺者南人謂之鬼雀格物總論又

謂之老鷓事物原始

翠禽 卽翡翠鳥其毛可以作翠四方多來購之志舊

鳧 一名鶩野鴨也禽經注土名水鴨冬月有之志舊

鳩 有斑鳩鶉鳩二種志舊

雀 邑西南祥禽鄉唐貞觀中有白雀來集故名康熙志

燕 巢於人家樑上有紫燕蛇燕二種又石燕杭州九邑山洞中

多有之石燕有二零陵祁陽所產乃石類此石燕似蝠能飛山穴

中有鍾乳者多聚食其汁本草別在禽部舊志

鴿 東南之俗以養鴿鴿為樂羣數十百望之如錦灰褐色為下

純黑為貴以粟食之既而繫金鈴於腰飛而颺空風力振鈴鏗如

雲間之佩四朝聞見錄

畫眉 似鶯而小黃黑色其眉如畫巧於作聲如百舌潛確類書又一

種眉黑身大者為畫眉虎

鴝鵒 一名寒皋五月五日翦其舌端使圓教令學語幽明錄南唐

新登縣志 卷十 物產

避後主諱呼為八哥負喧雜錄

竹雞 比鷓鴣差小毛羽褐色多斑赤紋自呼泥滑滑則天雨乾隆

府志明歲貢竹雞十三隻嘉靖志諺云家有竹雞啼白蟻化為泥

黃頭 春黍即黃頭性善鬪項臆間一痕作黃金色者名金帶黃

頭尤趨健乾隆府志

子規 一名杜鵑出蜀中今南方亦有之杜鵑花開則鳴鳴必北

向至夏尤甚晝夜不止

四喜 似鵲而小

鴛鴦 毛色悅目飛宿成雙

貓頭鳥 一名糶穀鳥

毛之屬

虎 新邑向有虎患明邑令劉秉燧虎一十有八清康熙中邑令

葛長祚有驅虎牒今開墾遍山虎亦遁跡參舊志

鹿 明歲貢鹿三隻嘉靖袁志民國五年上四鄉獵人鎗獲二隻

麀 似鹿而小皮甚細土人製以為鞞乾隆府志

牛 有黃黑二種市無私宰者舊志

羊 邑產皆山羊秋晚飼以桑葉市無飲羊者舊志

豕 肉則封豨豕晁無咎七述田家多畜之以其糞沃土

野猪 其肚治風四蹄愈痘肉性極熱參舊志

豪豬 鬣有刺如猬能射人山中人取以為笄舊志

新登縣志 卷十 物產

狐 土名啄狗似狗稍小舊志

黃鼠狼 一名鼬其尾可作筆即狼毫參舊志

玉面狸 俗名果子狸咸淳臨安志出於潛昌化今新城亦間有之舊志

貓 貓有長毛白黃色者稱曰獅貓不能捕鼠徒為美觀咸淳臨安志

野貓毛作灰斑色

松鼠 一名鼯鼠其鬚可為筆萬曆府志肉治療癰本草

獺 善捕魚土人取之以其皮作為禦寒衣料價甚昂參舊志

兔 土人呼褐色者為兔白色者為石鼠舊志

木羊 毛色有黑斑二種邑中獵人於叢山峻嶺處偶有得之者

山羊 狀如家畜之牛獵人每有獲之者

豹 有金錢豹皂莢豹二種以其毛色斑點而別之

鱗之屬

龍 蛻龍洞有牙骨一斛龍蛻而去咸淳臨安志 邑之天柱山龍門山

貝山嶠山黑山烏塘山漁洲山並有龍旱禱卽應天柱山龍池中

魚四足赤腹人呼爲龍子舊志

鱖 四五月富陽江有之俗謂富春鱖雍正新志 新邑乘潮而上亦至

淶川舊志

鯉 鯉亦稱鱣舊志 有蕩鯉有黑鯉乾隆府志

鱣 以草飼之俗名草魚乾隆府志 出官塘者肥而佳舊志

鱣 詩疏鱣似魴而大頭徐州謂之鱣今杭俗亦以此名之乾隆府志

新登縣志 卷十 物產

有白鱣胖頭之別

鯖 江中有百餘觔者乾隆府志

鯊 鯊魚狹薄而長頭大者尺餘一名刀魚郭璞註

鯽 雜魚中鯽魚最美亦名鮒池湖江海皆有之乾隆府志

鱸 土人稱鱸鱖最美舊志

鱖 土人於潮泥中鑿坎魚隨潮至仲春捕之乾隆府志

土附 一名土哺一名土步一名土鮒以清明前者爲佳萬曆府志 邑

人名春魚舊志

石斑 石斑魚生山澗中有斑味極鮮美嘉靖通志

鰻 善市者取之於江畜之於湖則脊黑而味腴乾隆府志

鱠 一名鮓似鱠而長黃色無鱗有涎俗呼黃鱣生溝瀆淺水中

山堂肆考土名惜子魚每買以放生一種蛇化者有毒貯水缸夜照之

項下有白點昂首向上身浮水面者皆是

鰱 即泥鰱也似鱣而短無鱗以涎自染難握埤雅

烏鱧 一名七星魚首有七星夜朝北斗道家謂之水厭吳氏本草

白魚 色白味美出富春江鼉江亦間有之

介之屬

龜 凡介者生於庶龜淮南子今縣署蓮池中有買以放生者

鼈 南都呈水嬉者以大漆斛貯水凡龜鼈之屬以名呼皆浮面

戴戲具而舞舞罷即沈癸辛雜志沙鼈似馬蹄者佳溪蠻叢笑俗貴桃花鼈

新登縣志 卷十 物產

忌與莧菜同食參舊志

蟹 錢氏置魚戶蟹戶專掌捕魚蟹蟹譜潮蟹出江中蟹略杭人最重

蟹秋時風致惟此為佳乾隆府志新邑溪瀆中均有之

鰕 湖生者殼青江產者色白大者名青斑鰕咸淳臨安志

蛤 杭郡土產海蛤太平寰宇記

螺 螺類最多有研螺珠螺泥螺白螺或生田澤或生巖石上山堂

肆考惟七賢長蘭之螺平底異於他處

蟲之屬

蠶 或疑左思八蠶之說今杭地亦有頭蠶二蠶三蠶又有柘蠶

食柘葉者有紅蠶二十七日而熟者成化府志蠶自成者曰獨繭二三

以上曰同功事物原始新城有四蠶五蠶養至七月中舊志

蜂 蜂類不一黃者作蜜各鄉皆產惟白蜜出南安鄉舊志

蝙蝠 大者如鴉亦有純白者邑南安仙洞中有之舊志

蟋蟀 杭人尚沿葛嶺之風喜鬪蟋蟀新城無此習舊志

蝶 羅昭諫詩小園花嫩蝶初飛清異錄謂之玉腰奴參舊志

蜻蜓 或云稻田中青蟲所化舊志

蚯蚓 蚯蚓糞能治蜂螫金臺紀聞

蛇 邑中有青竹白節烏稍火煉老鴉哺方勝斑土步四足之異

又一種名慈蠮俗謂之家蛇參舊志

蛙 一名申潔水族加思簿杭人嗜田雞如膾炙即蛙也四朝聞見錄沈文

新登縣志 卷十 物產

通守杭禁食蛙終三年人不敢食池沼之蛙亦絕不復生東齋筆記官

司禁捕蛙以其能食蝗也車若水脚氣集又名穀犬舊志

蜘蛛 被蜈蚣咬者捉蜘蛛伏吸其毒

蟾蜍 其酥可入藥